

SCRIPT OF MORNING GOJRI NEWS BULLETIN 20CT 1015 HRS

مارننگ گو جری نیوز بلیٹن مورخہ 2 اکتوبر 2025

یوہ آکاشوانی جموں ہے باغ علی طاہر تیں خبر سُنو۔

GANDHI JAYANTI

اج قوم راشٹرپتا مہاتما گاندھی نانہہ اُن گا 156 واں جنم تہاڑھ گا موقع ور خراج عقیدت پیش کر رہی ہے اس سلسلہ مانہہ ملک غا بکھ بکھ حصاں تے بیرون ممالک بھارتی سفارتخانان مانہہ تقریب منعقد کی جارہی ہے راجدھانی دہلی مانہہ اس موقع ور راجگھاٹ ور قائم اُن غی سمادھی ور اکٹل مزہبی پرارتھنا سبھا وی منعقد کی گئی ہے اج غے روز ہی قوم سابق وزیر اعظم آنجہانی لال بہادر شاستری نانہہ وی اُن گا جنم تہاڑھ گا موقع ور یار کر رہی ہے۔

PREZ/PM GANDHI JAYANTI

صدر جمہوریہ درویدی مرمو نے گاندھی جینتی غا موقعور جاری کیا گیا اپنا اک پیغام مانہہ کہیو ہے جے یوہ موقعو ہے جے ہم اپنا آپ نانہہ راشٹرپتا مہاتما گاندھی غا افکار تے اقدار غے تنیں وقف کراں۔ اوں وزیر اعظم نریندر مودی نے اپنی اک سماجی میڈیا پوسٹ مانہہ مہاتما گاندھی نانہہ خراج عقیدت پیش کرتا واں کہیو ہے جے اُن غا افکار نے انسانی تاریخ نانہہ بدل دتو اُن غو کہنوتھو جے مہاتما گاندھی غا نظریہ نے یوہ ظاہر کردتو ہے جے حوصلو تے سادگی انسانی تاریخ مانہہ بڑی تبدیلی لیان مانہہ اہم ثابت ہوسکے جناب مودی نے کہیو ہے وکست بھارت غی تعمیر غی خاطر قوم لگاتار مہاتما گاندھی غا دسیارستہ ور چلتی رہ گئی۔

LG OMAR GANDHI JAYANTI

لیفٹیننٹ گورنر منوج سنہا تے وزیر اعلیٰ عمر عبداللہ نے وی مہاتما گاندھی نانہہ اُن غا جنم تہاڑھ ور خراج عقیدت پیش کیو ہے بھارت نانہہ آتم نربھر یعنی خود کفیل بنایا جان غی وکالت کرتا واں ایل جی موصوف نے لوکاں ور زور پایو جے وے ملک مانہہ بنی چیزاں گو استعمال کریں تاجے مقامی دستکاراں تے گھریلو صنعت نانہہ فروغ دتو جاسکے اُنہاں نے تمام لوکاں ور زور پایو جے وے عدم تشدد تے سچائی غا رستہ ور چلن غو عہد کریں وزیر اعلیٰ عمر عبداللہ نے اپنا پیغام مانہہ کہیو ہے جے گاندھی جی غی سچائی تے انسانیت غی تعلیمات غی اج گا دور مانہہ بور متی اہمیت ہو گئی ہے کیونجے اج غا دور غی دنیا لڑائی چگڑاں تقسیم تے سماجی غیر یقینی غی صورتحال تیں لگاتار دوچار ہو رہی ہے۔

INTERNATIONAL DAY OF NON VIOLENCE

مہاتما گاندھی غا جنم تہاڑھ گا موقع ور اج عدم تشدد غو عالمی دن منایو جارہیو ہے۔ واضح رہے جے جون سال 2007 مانہہ اقوام متحدہ غی جرنل اسمبلی غی طرفوں عدم تشدد نانہہ اک آفاقی اصول بنان تے عالمی سطح ور امن تے برداشت غا جذبہ نانہہ فروغ دین بارے ایک قرار دار منظور کرلی گئی تھی۔ اس قرار دار غی 1 سو 40 تیں زیادہ ملکاں نے ہمایت کی تھی۔

VIJAY DASHMI

وجیا دشمی یعنی دشہرہ غو تہوار اچ پورا ملک مانہہ مزببی جوش و جزیہ سنگ منایو جاربیو ہے یوہ تہوار برائی ور اچھائی غی فتح غا طور ور نورتری تے درگا پوجا گا اختتام ور منایو جائے یوہ تہوار رام چندر جی غی لاون ور فتح غو مظہرو ہے صدر جمہوریہ درویدی مرمو تے وزیر اعظم نریندر مودی نے دشہرہ گا موقع ور لوکاں نانہہ مبارک دتی ہے۔

LG CM DUSSEHRA

لیفٹیننٹ گورنر تے وزیر اعلیٰ عمر عبداللہ نے وی اس موقع ور لوکاں نانہہ مبارک دتی ہے لیفٹیننٹ گورنر نے اس موقعور مبارک بادی غاک پیغام مانہہ کہیو ہے جے وجیا دشمی غو تہوار بُرائی ور اچھائی غی فتح غو مظہرو ہے۔ اوں وزیر اعلیٰ نے اپنا اک پیغام مانہہ لوکاں نانہہ مبارک پیش کرتا واں کہیو ہے جے دشہرہ غو تہوار لوکاں نانہہ ہر حال مانہہ سچائی نیکی تے انصاف گا رستہ ور چلن غو درس دے۔

JAMMU DUSSEHRA

جموں مانہہ وی دشہرہ غ و تہوار مزببی جوش و خروش تے عقیدت سنگ منایو جاربیو ہے دشہرہ غی سب تیں بڑی تقریب شہر غی پریڈ گراونڈ مانہہ منعقد کی جانگی جت اچ شام راون غا پُتلا نانہہ نظر آتش کیو جائگو۔

POJK PROTEST

پاکستانی مقبوضہ جموں کشمیر مانہہ سیاسی تے اقتصادی مسائل ور احتجاج کر رہیا مظاہرین ور گزشتہ 3 روز غے دوران پاکستانی دستاں غی طرفوں گولی چلایا جان گا واقعات مانہہ کہٹوں کہٹ 12 افراد ہلاک ہو گیا ہیں مظاہرین ور قابو پان غی خاطر مقبوضہ جموں کشمیر غا تمام قصبیاں مانہہ مسلح دستاں نے فلیگ مارچ کیا یہ دستاں گواندی صوبہ پنجاب تے فرراضافی 1 ہزار دستاں اسلام آباد تیں منگوایا گیا استوں پہلاں گزشتہ ہفتہ غے دورانخیر پختونخواہ صوبہ مانہہ پاکستانی فضائیہ غی اک کاروائی مانہہ 30 سول افراد ہلاک ہو گیا تھا۔ اسے دوران پونا سٹڈ کشمیر پیو پلز نیشنل پارٹی گا ترجمان ناصر عزیز خان نے اقوام متحدہ تے بین العوامی برادری ور زور پایو۔

UDH BOVINES

ضلع پولیس ادھمپور نے جانوراں غی تسکری غے خلاف کاروائی کرتا واں اس سال غا پہلا 9 مہینیاں مانہہ تقریباً 1 ہزار جانوراں نابہ بچایو ہے۔ آکاشوانی جموں غا نامہ نگار اچن دوبے غے مطابق ادھمپور پولیس نے گل 145 مقدمات درج کیا جن مانہہ 978 جانور غیر قانونی ٹرانسپورٹ تیں بچایا گیا ہیں ان مقدمات مانہہ 173 افراد نانہہ گرفتار کیو گئے ہیں جن مانہہ 165 مویشی تسکری غے تحت تے 8 پبلک سیگٹی ایکٹ غے تحت شامل ہیں اس غے علاقہ 104 گڈیاں جہیڑی جانوراں غی نقل و حمل واسطے استعمال ہو رہی تھیں ضبط کی گئی ہیں تے ایسی 20 گڈیاں غا اندراج منسوخ کیا ہیں۔

WEATHER

محکمہ موسمیات نے آئندہ 5 تے 6 اکتوبر مانہ جموں کشمیر غا اُچا پہاڑی علاقوں مانہ اس موسم غی پہلی برف باری غ پیشن گوئی کی ہے آکاشوانی جموں غا مہارا نمائندہ نے جانکاری دیتا واں دسیو ہے جے لابتہ 4 اکتوبر توڑی کتے ہلکی تیں درمیانہ درجہ غی بارشاں گی پیشن گوئی کی گئی ہے محکمہ نے اس عرصہ غ دوران حساس علاقوں مانہ پسی پین تے سڑکاں ور آن جان تیں وی خبر دار کیو ہے۔
